

國朝詩人徵略

詩人徵略卷二十九

番禺張維屏子樹輶

阿桂

字質庭號雲巖滿洲人乾隆三年舉人官至大學士一等誠謀英勇公贈太傅諡文成

公生康熙五十六年八月三日幼而沈靜端重性警敏好讀書就傅以後聞人談史事卽了了能記其大略雍正十年入學十二年補廩生明年選拔貢生乾隆元年副榜貢生以文勤公侍郎蔭生在大理寺寺正學習三年鄉試中式明年補兵部主

事又明年遷員外郎八年擢郎中直軍機處尋以  
事降調吏部員外郎十三年小金川土司郎卡侵  
擾鄰境大學士訥公親督師進討兵部尙書班公  
第繼往軍營奏請以公參軍事明年訥公得罪提  
督岳公鍾琪并劾公逮至刑部治罪時文勤公以  
刑部尙書協辦大學士

高宗純皇帝念其年老次子得釋明年復爲吏部員外  
郎尋遷郎中十七年出爲江西按察使公奏用法  
貴乎明慎決獄專忌淹留

上嘉許飭部從之未幾

召補內閣侍讀學士復遷內閣學士兼禮部侍郎先是準  
噶爾有四衛拉特文勤公奉

命往與噶爾丹策凌議分地界禁侵犯邊鄙安謐者幾二  
十年至是厄魯特噶爾丹策凌死子策妄多爾濟  
那木札爾襲位其庶兄喇嘛達爾札執而篡之而  
達瓦齊復因阿睦爾撒納計篡奪其位部落大亂  
所屬昂吉策凌伍巴什等詣嘉峪關來降

上以侮亡取昧兵有常經先後遣將軍永常等督兵撫勦  
適阿睦爾撒納與達瓦齊有隙自叛其汗亦來求  
款達瓦齊孤立無助竄往回部爲回人擒獻

上召阿睦爾撒納至熱河

行在封親王使往主故地已而復召之至中途叛走  
時準噶爾逸賊率衆北走將入俄羅斯

上命公至烏里雅蘇臺與靖邊副將軍蒙古親王成袞扎  
布隨機搜討成袞扎布係額駙超勇親王策楞之  
子爲諸蒙古盟長

上所最倚重者成袞扎布奏公遇事奮勉二十一年正月  
文勤公薨公奔喪回京七月仍以內閣學士

命同成袞扎布辦理軍務二十二年成袞扎布赴巴理申  
申公代其任畱烏里雅蘇臺辦事二十三年間舍楞搶虜

臺站官兵失利乃與策布登扎布合兵追勦開竄  
入俄羅斯乃止八月補工部侍郎是年準噶爾平  
十一月

命與副將軍富公德追捕準夷餘賊初回曾大小和卓木  
爲準噶爾所拘及將軍兆公惠定伊犁使還回部  
至是兆公遣使定其貢賦回曾執而留之並戕害  
參贊大臣三公泰

詔命公同富公進兵合勦回衆迎拒於阿爾楚爾時賊衆  
甚盛橫亘數里官軍方力鬪未分勝負公親率勇  
銳數百人由山麓繞出其右衝擊之賊遂潰亂二

十四年八月回部各城以次克捷伊犁自土爾扈特部竄入俄羅斯後其黨伏林莽者尙衆

上念西域旣平其地方二萬餘里若不令官兵分駐則伏戎必復據其地否則亦恐爲俄羅斯兼并則邊患終不能久安乃

命軍營大臣籌議如何分兵駐守諸大臣皆謂地方遼遠沙漠居多舊時準夷馬匹羊羣消耗殆盡難以爲駐守計公獨上言伊犁爲西域適中之地幅員廣闊能悉心籌計可冀有成查守邊以駐兵爲先駐兵以軍食爲要臣詢問地勢情形伊犁海駝克及

固勒扎等處水土沃衍且有河可引灌注若開墾屯田則兵食可以漸充臣謹以屯田事宜列欵上聞一請增派回人屯田一請官兵協同墾種一請建置城郭一請預備馬駝有

旨嘉獎如所議行公因言回人嫻於耕種非準夷專游牧者可比使以屯田爲業而舊營兵及疲弱者遣歸內地但畱到營未久之兵協同回人種地則荒蕪漸次可開又酌分馬匹設臺站以通文書摺奏又酌沿邊糧米運赴伊犁爲兵丁口食又請於各省軍流人犯內有能工匠技藝者悉改發伊犁應用

上皆善之於是在阿克蘇置辦農器又以回人所送馬匹  
令官兵等陸續先行而準夷餘黨亦遣大臣分路  
勦撫安插遂率兵開屯至秋豐收兵食以足乃復  
奏一伊犁種地回人當滿足千數一駐防之兵當  
增益駐劄一駐劄兵丁當定準數目一設立城守  
營當定準地方一預備種地兵丁馬匹一伊犁山  
川土穀之神請定祀典一伊犁兵丁日多錢糧日  
廣請於烏魯木齊等處派同知知縣管理收放事  
務俱

允行於是伊犁規模大定

上諭平定西域功臣五十人圖像於紫光閣公居第十七  
御製贊云阿克敦子性頗健敏力請從戎宜哉惟允身不  
勝衣心可干城楚材繼出爲國之楨蓋以元耶律文正  
王爲比也二十六年授內大臣七月補工部尙書  
二十七年正月奏新疆約束章程一甲缺宜均齊  
也一錢糧宜畫一也一員缺宜變通也一產業宜  
均分也一攜眷兵丁量給養贍也亦得

旨允行時伊犁添移阿克蘇種地回人千餘又準部餘夷  
由哈薩克諸處投歸者亦皆給地耕種哈薩克卽  
古大宛產馬高大以內地緞疋易之牧厥蕃息商

賈林集乃選工陶埴建二城一綏定城一安遠城  
民居兵房以次分列規制一如內地而哈薩克越  
境遊牧者悉驅逐之數千里地來往晏然

詔給騎都尉世職並令還京供職詢問方略且均勞逸而  
以明公瑞代之及至京授軍機大臣

賜紫禁城騎馬以原銜充

經筵講官晉太子太保二十九年金川郎卡復與鄰封戕  
殺事聞

上以公舊在四川軍營熟悉情形因

命總督阿爾泰進京公署其任相機籌辦公覆奏綽斯甲

布等九土司與郎卡互相攻擊如鼠鬪穴中本外  
番常有之事體察機宜不必急於辦理

上以爲然嗣阿爾泰回任公回京仍任工部尙書三十年  
回人賴穆黑圖拉作亂令公赴

行在請訓前往伊犁

上諭以賊恃其城堅糧足敢行抗拒官兵不必徒事攻擊  
惟嚴防要隘俟其自敝明公瑞軍其北公軍其南  
作長圍以環之且絕水道賊衆惶懼九月其衆擒  
賴穆黑圖拉以獻公誅首惡而貸其餘奏入

上以寬縱太甚交部議處而

命永公貴爲伊犁將軍公駐劄雅爾三十二年補授伊犁將軍是時緬會僭駁以兵逼脅內地土司總督劉藻楊應琚不能辦因

命明公率兵進勦三十三年二月明公軍至猛育糧盡戰沒於是大學士傅公恆請自督軍

上乃授爲經略而以協辦大學士戶部尙書果毅公阿里袞及公爲副將軍三月

召至京四月授兵部尙書六月總督雲貴兼副將軍十月抵永昌時署總督阿公里袞已先赴戛鳩公往會於騰越州卽於途中接印任事二十四年有

以本年大舉深入公專任副將軍以明德爲總督四門  
經略至軍議分三路進兵經略出萬仞關由大金  
江西路從猛拱暮魯至老官屯西岍阿公里袞率  
舟師由水路下老官屯公由銅壁關抵蠻暮伐木  
造舟七月出關九月舟成舟師遂出江而經略亦  
至公逆知賊必迎拒先以兵伏江澚之甘立寨屆  
時賊果從猛髮拒戰寨兵出舉礮擊之墜其三舟  
我舟師喜噪寨兵應之鼓角齊振賊皆披靡潰散  
殲其頭目賓啞得諾舟師遂出江抵西岍合攻老  
官屯緬兵守禦堅甚時官兵多病瘴自副將軍下

都統提督總兵等官實有死亡經略亦病奏聞

上命撤兵而懵駿亦以甘立寨之敗大懼乞降遣大頭目  
請議事公遣副都統明公亮等議責以此後永不  
得擾邊境還內地之官民在緬境者越六年一貢  
其頭目惶恐遵約遂撤兵歸三十五年

命赴騰越以待緬人入貢是時明德降爲巡撫代以彰寶  
使守備蘇爾相往緬責其入貢遲慢懵駿留之公  
上言緬人邨落在蠻幕木邦猛蜜三土司外偏師  
不可深入宜休息數年爲大舉計

上以連年用兵恐他省備辦糧馬一時竭蹶且不直以拘

留蘇爾相故輕議大舉降

旨切責於是部議革職明年以溫公福爲定邊副將軍革  
公職留軍營効力時郎卡已死子索諾木與小金  
川土司僧格桑侵佔鄂什沃日之地有

旨令溫公移師討之溫公以公爾使四川熟邊事請偕以  
行十二月至金川軍營攻巴郎拉克之遂授四川  
提督與溫公分道進攻三十七年

命公爲內大臣統南路官兵軍次達河之翁古爾壘山尤  
險峻而溪南布勒山頂有賊壘與達河互相犄角  
攻五閱月弗能下十一月溪水消落乃派兵之躡

捷者偕土兵半夜渡溪攀援直上布勒山躍入卡  
出其不意盡殲其衆而北岍官兵直攻翁古爾壘  
賊方出拒布勒官兵復以飛礮擊賊賊遂驚潰因  
分兵南北岍夾起而進直至美諾之南山僧格桑  
逃而溫公西路之兵亦至小金川遂平捷聞

上命爲定邊左副將軍由南路戶部侍郎豐公昇額亦爲  
副將軍由北路與將軍溫公福分兵三路進攻金  
川溫公由西路之空喀豐公由北路之凱立葉而  
公攻喇穆山梁以三十八年正月朔半夜由大雪  
中進發連得當功噶爾拉各礮其餘攻之未下是

月授禮部尚書四月晉太子少保而索諾木誘小金川降番掩翼空喀後路斷登春糧道時溫公在木果木兵潰溫公陣亡小金川之地復爲賊據美諾等相繼被陷公開信先使五岱率兵救之不及乃派兵凡西南兩後路小金川降番皆收其軍械毀其礮寨悉調來營以絕其響應而副都統奎林副將劉輝祖參將劉倬皆悉力拒戰每日夜十數合殺賊頗衆賊人料不能動而所得木果木各營米糧財帛甚多莫有戰志於是求撤兵

上亦命公整師而出另籌進勦遂退駐達河是時

上添派京城健銳火器營吉林黑龍江伊犁厄魯特等兵  
五千名

命以國初愛星阿所佩定西將軍印授之公仍統西路之  
兵南路則屬明亮北路則屬豐昇額皆爲定邊副  
將軍而舒公常以參贊大臣至金川河西日傍山  
攻擊公由南路至成都尋至鄂克什軍營至九月  
各兵俱集議先收復小金川公集諸將問計宜先  
攻何處諸將或以爲宜由南山或以爲宜從中路  
未定獨番人木塔爾謂此兩路皆去年進攻日久  
之地賊知其險要必益力守禦恐徒延時日無益

北山直藏噶山雖峻而山之西南卽美諾山之西  
北卽占古若派兵先攻中路之礪卡以殺其勢而  
別派勇幹大臣上北山直下美諾則已出中路賊  
人礪卡之後勢必望風奔潰卽可以得美諾公熟  
思久之深以爲然遂定計以十一月十一日派兵  
由中南兩路進兵賊方悉力堅拒而派登北山之  
兵已入其巔頃之從山西下中南兩路之賊知將  
襲美諾各驚散去於是復美諾收占古凡七日而  
小金川全復奏入

上嘉其迅速

賜詩褒美二十九年正月十日五更冒大雪由當功噶爾  
拉進兵抵喇穆喇穆左右山梁南北遙亘上列八  
礮極峻險堅固番人守禦亦倍於他所至二月克  
羅博瓦山梁晉太子太保六月克色朋普山梁七  
月克達爾圖布等處八月克該布達什諾等處賊  
酋僧格桑死於金川番人獻其尸明亮同舒常在  
山西駐兵公遣海蘭察率兵往助由是逾山而東  
公復遣兵往助豐公於是北路官兵亦逾險至九  
月克默格爾山梁十二月克日爾八當等寨奏入  
賞戴雙眼花翎補授御前大臣四十年正月克康薩爾等

處二月克甲爾納堪布卓各礪五月克下巴木通  
等山梁七月克章噶等處八月克勒烏圍勒烏圍  
在刮爾厓北與索諾木官寨互爲犄角故其寨亦  
高大堅實官軍用大礮毀其礪牆賊更穴地死守  
至是乃盡克之進兵在刮爾厓聞索諾木之母先  
往河西將收集餘衆合力抗拒公乃遴選精兵間  
道下山直至河邊於是其母與索諾木音信斷絕  
遑遽不知所出公乃使人及降番等往諭之其母  
遂偕官兵詣軍營公居以別帳俾作書招索諾木  
時官兵四面合圍索諾木官寨晝夜用大礮轟摧

索諾木窘迫既得其母書乃於四十一年二月初  
四率其妻妹及各頭人至營乞降請命金川全境  
至是俱平

上遣副都統椿林齋

詔至營封公爲誠謀英勇公協辦大學士戶部尙書

賜寶石頂四圍龍補服先是軍營屢次報捷

上知大功必成

賜公扇且畫蘭於上題以同心之言其臭如蘭二人同心  
其利斷金且

製詩以

賜葢兩金川之平定實

廟算早決其機宜也於是遣大臣侍衛分次獻俘且安置  
降番於各寨請設副將同知分駐其地以資約束  
撫綏定以四月班師回京

上飭禮兵二部議行郊勞禮築臺於良鄉之黃新莊四月  
二十六日公至良鄉

上遣誠親王及大學士舒公赫德

賜公及將軍參贊將佐等膳次日至黃新莊

駕幸勞臺公等用軍服甲冑藥韉入行抱見禮一如兆公  
惠自回部凱旋故事禮畢入京又次日

賜宴瀛臺紫光閣

賜紫韁及四開襖袍仍授軍機大臣又繪功臣五十人像  
於紫光閣公居第一復

賜贊云西師參贊經歷多年茲爲巨擘掄掌兵權誠而有  
謀英弗恃勇集衆出奇成勳克鞏八月三日公六十生  
辰

上賜崇勳著慶匾額及

御製詩篇如意等物爲壽先是公在金川時緬會遣人來  
議入貢事總督械至京師下獄至是部臣請以索  
諾木母子弟兒及其頭目正法

上命撤緬使赴西市觀行刑且告之故緬使驚怖欲絕因命械至雲南令其歸諭緬酋以震動之明年正月遂遣公赴雲南臨邊示以禍福緬酋乃先以蘇爾相送歸未幾緬甸內亂互相戕殺又十餘年而新立酋長孟隕遣使具表恭祝八旬

聖壽願此後十年一貢南徼永寧亦公先聲有以警之也是年四月大學士舒公薨公爲

武英殿大學士兼管吏部尙書嘉慶元年正月元旦公仰承

景命於

太和殿捧冊授寶及初四日再舉千叟宴公進觴上壽如前視履考祥周旋中禮百寮及外藩貢使皆驚喜相告謂重臣耆德實國家之上瑞也二年八月二十一日薨逝享年八十有一九月

上親臨奠醑並

賜祭葬諡曰文成公生平善知人自大帥以至偏裨咸隨所宜而任使之又均其勞苦差其等第從不以喜怒加人故爲所用者皆得其死力戰勝攻克各疏其功以上之故將校中封公侯出爲將軍都統提督總兵者甚衆及爲宰執管尙書事聞人廉潔勤

幹者輒以陳於

當于二十年總督巡撫亦公密薦者爲多自少畱心史事  
凡古今成敗治亂之迹與邪正進退之機皆默識  
其所以然遇有績學勵行之士教以修身直節以  
成大器蓋文勤公以重望著於

朝端一時名臣鉅老法家拂士咸與訂道義交公時  
聞緒論用以自淑欲與諸公方駕後先至開疆拓  
土武功烜赫適際時會之自然非公意也公功在  
國史名在天壤無藉於私家志乘然

冊府所藏士大夫罕得見之故條繫事件以示藝林

春融  
堂集

公像著

紫光功存

冊府勛名德望所不待言二十餘年爲太平宰相而  
意猶不自慊蓋本文勤公之教嘗令其事鄂文端  
公爾泰朱文端公軾楊文定公名時徐文恪公元  
夢蔡文勤公世遠承其指授又與王翦林蔣湘颿  
諸君游意在儒林文苑不以韜略爲長也公愛才  
好士見官屬必教以慎持名節毋營競見外吏必  
戒以廉潔自矢毋貪黷所居廳事前僅容旋馬日

食不及四簋絕無園林聲色之樂比其薨也天下  
識與不識皆嗟嘆之先是公從軍於北路及平伊  
犁收回部拓地二萬餘里

上欲置兵屯候尉益壯西北屏藩同事大臣未肯肩其任  
公獨奏請從容建置浚河渠集農功立驛傳築城  
積穀商旅交集不十年而甌脫變爲都會公薨後  
伊犁將軍保公狗衆請建專祠隨蒙

俞允益深知遺愛之長也

湖海詩傳

摘句 刁斗三更月關山萬里愁渠魁何日滅非

直爲封侯

話舊成塵影籌邊驗淚痕

投戈收戰骨撤幕返春耕

五十九年前一日世間原未有斯人

自壽

祝維詰

字宣臣號豫堂浙江秀水人乾隆三年舉人官內閣典籍有綠溪詩藁

淳郡王禮爲上賓奉天府府丞山陰王河所薦格

于部議不得試

詞科掌錄

先生一直薇垣屢隨

清蹕故灤河遼海風景數見於詩

湖海詩傳

摘句

人倚諸天高鳥下千里闊  
長城自終古大

漠但一抹

平頂山

手足骨已僵口鼻氣難續

長城嶺

下五字極狀苦寒

春同好友將離我心逐飛花欲上天

館娃歌舞歡遊日忘却西施是越人

晚來叉手傍簷立九十九峰青到門

詩人徵略卷二十九

國朝詩人徵略卷三十一

番禺張維屏子樹輯

沈德潛

字確士號歸愚江南長洲人乾隆四年進士官至  
禮部侍郎加尚書銜贈太子太師諡文愨有竹嘯  
軒詩鈔歸愚詩鈔

康熙三十三年甲戌年二十二學院試取爲長洲  
博士弟子員雍正十二年甲寅年六十二時

詔舉博學鴻辭督撫學二院考試取六人子第三十三年  
乙卯年六十三四月入都八月應北闈試不遇乾

隆元年丙辰年六十四八月應北闈試不遇九月  
御試保和殿予失寫題中字不合格不遇歸三年戊午年  
六十六八月省試九月榜發中第二名四年己未  
年六十七二月應春官試中六十五名

殿試二甲

欽點庶吉士十一月乞假歸里七年壬戌年七十四月散  
館德潛名第四畱館六月輪班引見

上諭張中堂云沈德潛係老名士有詩名命和消夏十詠  
八年癸亥年七十一三月

御試翰詹諸臣德潛二等第五九月晉侍講學士九年甲

子年七十二六月

欽點湖北正主考十一年丙寅年七十四七月夜夢俞淑  
人醒而成詩有三年我未看瓜苦四紀君惟饜齋  
甘抱病但聞辭藥石蓋棺始得易衣簪句進

呈新詩此詩未刪

上見之

御門日

上謂汝旣悼亡何不歸家料理感

上恩諭卽進摺假歸

陛辭日

賜五言八韻起二語云我愛德潛德淳風挹古初錢司寇  
香樹贈詩云

帝愛德潛德我羨歸愚歸尤藝林傳誦也十一月到家十  
二年丁卯年七十五四月啓行入都六月

陛見

皇上云汝滿假卽來可云急公今命汝入上書房輔導諸  
皇子授汝禮部侍郎

皇上憫德潛年老

諭云汝天明始來午時二刻卽出以身教不專以言教也  
十三年戊辰年七十六三月

欽點會試總裁六月

上成悼

孝賢皇后詩

命南書房諸臣與德潛同和中有兒字亡字二韻難於措  
辭子賡和云普天俱灑淚老耄似童兒海外三山  
杳宮中一鑑亡

命卽寫卷後傳觀衆臣示妥適也十四年己巳年七十七  
患噎未愈

上命大司馬梁詩正傳旨沈德潛不必到上書房許其歸  
里享林泉之樂朕與之以詩始亦以詩終令其校閱詩

稿校畢起行梁公捧

御製十二本到德潛處奉

旨後逐日恭閱過四本先繳進

上召見云汝所改幾處俱依汝唯大鐘歌中云道衍儼被  
榮將命汝改榮國因道衍封榮國公也榮將本黃帝時  
鑄鐘人汝偶然誤會然古書讀不盡有我知汝不知者  
亦有汝知我不知者餘八本盡心校勘不必依回旋出  
賜臣五言長律一首起云清時舊寒士吳下老詩翁結云  
近稿經商榷相知見始終

皇上冲然若谷之懷古帝王所未有也恭閱畢繳進

上後召見云我一見汝便知好人汝回去與鄉鄰講說孝弟忠信便是汝之報國又云賜汝扁額原是詩壇耆宿既而改耆碩見年老之人堅固自守同於碩果不食以後更發榮滋長也明日恭進四詩

陛辭良久內侍捧出扁額一

御畫一緞綾各四疋人獲二斤治噎丸十六最後又傳出御製用陛辭韻四律首章落句云高尚特教還故國清標終惜去朝班次章落句云爾自一舟歸浩蕩望窮潞水暮川虛三章中云笑子結習多難遣嘉汝臨文不忘箴四章中云儘有煙霞爲供養正賒歲月入謳歌

國朝詩人傳卷三  
君恩優渥幾於略分在旁觀亦皆歔歔感歎也六月歸里

十六年辛未年七十九二月接

駕于清江

召見於武帳中次日

賜七言詩一首中云玉皇案吏今煙客天子門生更故人  
別後詩裁經細檢當前民瘼聽頻陳第四語緣昨陳奏  
民間疾苦也十月啟行往祝

聖母六旬萬壽十一月到京隨羣臣朝賀十二月廿五日  
上召入內廷

命觀歸愚詩序文中稱歸愚叟并云他日見訪山居卽以

爲愚公谷也等語從古無君序臣詩者傳之史冊  
後人猶歎羨矣二十二年丁丑年八十五二月迎  
駕召見於武帳中

賜詩一幅有星垣帝友豈無友吳下詩人尙有人句有  
旨加禮部尙書職銜以示眷念老臣之意二十七年壬午  
年九十二月同錢尙書陳羣舟行迎

駕常州白家橋

召見

御舟

賜坐體卹備至翼日

賜九裘詩仙扁額又詩二律其一與錢尙書同  
賜者起云二老江浙之大老新從九老會中回  
天恩優渥不敢當也隨

鑾至折是役也共和

御製一十八章

恩禮稠疊不可枚舉

沈文愨公  
自訂年譜

先生少從學于吳江葉星期葉居橫山故阮亭尙  
書云橫山門下尙有詩人然先生獨綜今古無藉  
而成本源漢魏效法盛唐先宗老杜次及昌黎義  
山東坡遺山下至青邱崆峒大復臥子阮亭皆能

兼綜條貫嘗自進其全集

御製敘言以高王爲比誠定論也所選別裁諸集滙千古  
之風騷聚一時之壇坫年至九十八而終蓋得于

天者厚矣

湖海詩傳

集中好句隨舉數則何一不天然神妙

詞科掌錄

門下士王光祿鳴盛司寇昶錢宮詹大昕曹侍講

仁虎趙少卿文哲吳舍人泰來黃明府文蓮俱以

文章氣節重天下文懋彙刻吳中七子詩

羣雅集

文懋詩綜貫今古專尙盛唐

國朝詩萃

沈文懋公論詩及所選別裁諸集自好高愛奇者

觀之或有嫌其近平熟者抑知好高愛奇或出於  
獨嗜而失之偏或暫足驚人而不能久平心而論  
究不若文慤所見爲出於中正和平使學者有軌  
轍可循而流弊尙少也

聽松廬詩話

文慤詩中歲以前多精心結撰之作晚年情性所  
至稱心而言然亦範我馳驅不以名位旣高肆爲  
野戰卽詩以觀亦足徵神明之強固也

同上

標題

制府來

長短句

田家雜興

古

古鼎

古

詠史

古

百一詩

古

過牖

古

石公山

古

度石碓嶺

古

石梁觀瀑

古

濟南

雙忠祠

古七

蔡將軍歌

古七

地震行

古七

南徐寓中作歌六首

古七

宋徽宗鸚鵡圖

古七

錢唐江觀潮

古七

伏生授經圖

古七

黃山看雲海歌

古七

丹青引贈家南蘋

古七

摘句

古人對月時亦似今人情

峰巒變陰晴雲林雜古今樹

造化理所無到者人方識辛苦苟未經奇

快何由得

迴瞻峰頭雲是我經行處

地僻多遠心情真寡浮語

臥病憎夜長望晨如望赦

所守苟不移道在終有識

湖寬雲作岼邑小市侵橋

一徑入花塢衆溪藏竹陰

名自詩人得山從霸主分

真孃墓

帆帶洞庭雨屐穿茶塢雲

雀開收禾日蜂喧割蜜時

散食遊魚喜吟詩野鳥聽

多訪緣違俗無成爲近名

長齋非奉佛達理不關書

贈內

載書關吏厭止酒僕人歡

短燭身千里中宵夢兩年

除夕

燕齊同一色天地失雙丸

交河大雪

人家臨水花爲市僧舍沿山石作梯

前期人指鳥飛外竟日舟行桑影間

地連桑竹多平遠山入雲煙忽有無

黃土牆邊春店酒綠楊村裏午時雞

巢由稷契無高下廊廟江湖有重輕

鑿險地會開力士搜奇天許作詩家

死同孤竹分先後諫並龍逢照古今

比于墓

鑿空使者通西域傾國佳人出北方

漢武帝

九原可作惟隨武千里相思是向期

庾信離愁枯樹賦少陵幽怨杜鵑詩

四愁都忘張平子三樂能全榮啓期

方于遇客唯三拜翁卷成詩號四靈

身歷八朝同木石心空六鑿返真淳

楚人湯雲

山年一百三十九訪之間以眠食日健飯多睡次及方藥曰生平無病不知藥也

此身剩有筋皮骨明日居然九十三

只有生離無死別果然天上勝人間

七夕

何事爾曹談墨守少陵詩法已多師

莊有恭

字容可號滋圃廣東番禺人乾隆四年

賜進士第一人官至刑部尚書協辦大學士

父奕仁由閩徙粵

廣東通志

公以翰林院修撰入直

南書房越三年公弟有信成進士選庶吉士其冬兄

弟同請告歸省海內傳爲盛事

蔚研堂集

擢光祿寺卿丁資政公憂卽家拜內閣學士服闋入都遷兵部右侍郎提督江蘇學政轉戶部

召還供職尋充江南正考官再提學江蘇卽除江蘇巡撫

莅事六載丁太夫人艱坐在蘇日罰贖事失當逮繫法司論如律

詔特賞罪令護喪還籍後赴軍臺自効方詣謫所中途卽授湖北巡撫歲餘調浙江巡撫莅事四載復調江蘇加太子少保逾年擢刑部尙書協辦大學士仍畱辦巡撫事乙酉冬入都供職未幾坐劾段成功事逮問訟繫半載復授福建巡撫乾隆三十二年七月疾終於福州官署享年五十有五上同

錢唐江入海之處有三疊曰南大疊曰中小疊曰北大疊乙丑以後水行中疊者十餘年己卯歲改

趨北大鹽公渡江周遭履勘首以購芻薪加築土  
堰添建坦水爲請又奏復海塘兵專司負薪運土  
甃石下椿設守備一員千把外委十二員分界防  
守省民夫無算又用前人竹絡之法編竹爲簍實  
以巨石鱗次櫛比以衛塘根其秋風潮大作石塘  
間有崩裂而柴塘獨無恙公之力也是時秋霖之  
後水漲久不退公親往嘉湖兩郡察勘知水歸太  
湖之道多淤而太湖下流亦多壅闕因請浚烏程  
長興境內七十二澗并遣官至江南按三江故道  
疏入尋有改撫江蘇之

命公遂親往探尋脈絡得其要領建議大修三江水利具摺入告報可於是選紳耆賦工役先疏橋港次及河身芟蘆魚蕩之圈占者除之城市民居之不可毀者別開月河以導之公再撫蘇有

言仍兼管浙江海塘先後增築魚鱗石塘凡若干丈松江太倉沿海亦有石塘而土塘居什之八九公請如浙塘之法編竹篾實石護塘根以禦海潮公之盡心于水利海塘其大者如此

同上

其撫福建也預誠族人居晉江者勿至省卽至遣門者謝之曰我爲封疆大臣嫌疑當避且俟去此

之日再相見今則不敢也洎公之薨晉江宗人始  
來會哭咸稱公之公正爲不可及同

乾隆二十七年

上南巡幸嘉興之煙雨樓時公爲浙江巡撫

特詔公聯句用石鼎體成二十四韻

御製有句云老錢筆老健謂錢尙書陳羣所書也兩老字

一時頗難屬對公對句云蒙莊眎蒙翳自註臣目

本近視蒙

詢樓中陳羣所書幾茫無以對後公書此詩勒石固足見  
聖朝喜起賡歌之盛而公敏捷之才亦卽五字可見一斑

矣

聽松廬詩話

殿試日公對策有云不爲立仗之馬而爲朝陽之鳳

此二語當時頗傳誦之

松軒隨筆

摘句

經綸猶有待吐屬已非凡

詠蠶

廬陵事業起彝陵旬界原從閱歷增況有

文章堪潤色不妨風骨露峻嶒

送袁子才

袁枚

字子才號簡齋浙江錢塘人乾隆四年進士官江寧知縣有小倉山房集

仁和袁枚子才廩生廣西巡撫奉天金公有國士

之目力薦于朝子才在諸徵士中最爲年少兼有

美才一時名滿日下

詞科掌錄

君年甫四十絕意仕宦盡其才以爲文辭歌詩見人善稱之不容口後進少年詩文一言之美君必能舉其詞爲人誦焉君古文四六體皆能自發其思通乎古法爲詩尤縱才力所至人所欲出不能達者悉爲達之士多効其體故隨園詩文集上自朝廷公卿下至市井負販皆知貴重之海外琉球有來求其書者君仕雖不顯而世謂百餘年來極山林之樂獲文章之名蓋未有及君也

惜抱軒文集

散館以未爛清字改知縣分發江南初試溧水調  
江浦沭陽再調江寧枚常言爲守令者當嚴束家  
奴吏役使官民無壅隔則百弊自除其爲政終日  
坐堂皇任吏民白事有小訟獄立判遣無稽留者  
多設耳目方略集鄉保詢盜賊及諸惡少姓名出  
所簿記相質證使不能隱則榜其姓名許三年無  
犯湔雪之奸民皆斂迹方山谿洞外兩氓爭地無  
契券訟久莫能斷枚視案山積笑曰此左氏所云  
晉鄭之間有隙地玉暢頓邱是也訟久則破家吾  
當爲汝了之乃盡去舊案別給符驗使各開墾升

科聞者皆歎賞有賈人販布江行舟觸戰船溺死  
一兵衆兵縛控舟子兼及客枚心知過失殺無罪  
而累客必傾貲乃令乘風張帆作觸舟狀縱之去  
以埋葬錢發兵完案侍郎尹會一督學試江寧有  
兩騎衝其前麾且嫚罵稱親王家奴他縣尹不敢  
問枚立擒治則爲大將軍投書制府者也搜其篋  
得關節書十餘封悉焚之重撻遣去十三年江南  
災銅井民運米至吳門有率衆劫之者枚以荒政  
當弛刑召其魁詢之乃土人過糶非劫也諭以情

法追米還之其敏而能斷類此

澄清  
堂稿

枚長身鶴立聲若洪鐘生平事母孝友于姊弟母  
年九十四而終迎養寡姊年至九十妻亦白髮齊  
眉一家怡怡如也篤于故舊嘗爲亡友沈凡民司  
祭埽卅年如一日程編修晉芳死負五千金往弔  
焚其券且撫立其孤尤喜汲引後進嘗自稱吾之  
官不擇日葬親徙宅不用形家言而未嘗遇患不  
學仙佞佛而年登大耄枚旣山居年又最高歷  
四朝乃取康熙至乾隆間所識名臣事狀諮諏其子  
孫僚友各編次爲碑傳傳聞或有譌舛然其逸事  
足以裨益正史其所爲詩文天才橫逸不可方物

尤長駢體抑揚跌宕得六朝體格撰小倉山房文集七十卷詩話尺牘說部之屬若干卷以嘉慶二年十一月十七日卒年八十有二同上

襄勤伯鄂虛亭容安沒於王事袁子才挽詩有云

男兒欲報君恩重死到沙場最善終傅文忠公最

愛末句謂人曰我不識袁枚何人能作此語兩村詩話

或問袁子才何如人余誦白樂天句云已爲海內

有名客又占世間長命人同上

袁子才以散館出爲縣令初在江寧總督尹文端

公愛其才旣丁憂再起至陝西與總督黃文襄臬

味差池上書萬餘言不省遂乞病歸

湖海詩傳

石庵相公在江寧時聞其蕩佚將訪而按之子才

投以二詩公閱畢卽請相見頓釋前嫌

同上

孫淵如謂其神道碑墓志銘諸文紀事多失實

同上

簡齋大令弱冠卽舉鴻博旣而成進士人詞垣當

強仕之年獲遂初之樂備林泉之清福享文章之

盛名船山檢討所謂一代傳人傳己定非溢美也

攷其生平於倫常骨肉之間天性頗篤至居官行

政亦能達於治體合乎人情惟賦性通脫而又恃

其才名遂於世間蕩心佚志之事往往爲之助其

燄而揚其波使後進之士或相率效尤未學其才能先學其放蕩漸至長其浮薄甚且習於悖淫其流弊亦非細故也

聽松廬  
文鈔

子才爲人近於縱情逸志然其所爲古文每有切中事理洞達物情者又不可以人廢言也

松軒  
隨筆

隨園之文駢體尤工詩則以七律爲最七絕次之五古又次之七古才華富贍奔放有餘然好爲可驚可喜遂或涉於粗浮近於游戲者有之蓋名盛而心放才多而手滑諸體皆有游戲而七古尤縱恣惟七律中酬贈言情之作無辭不達無意不宣

以才運情使筆如舌此其專長獨擅者也

聽松廬詩話

標題

雜詩五古第一首第二首

卮言五古第一首第二首

水西

亭夜坐五古

齒痛五古

改詩五古

商丁孫

尊歌七古

還杭州五首五古

讀胡雲坡觀

察賤封嫂氏奏疏有作五古

觀大龍湫作

歌七古

摘句

意如主人辭如奴婢主弱奴強呼之不至

崇意文不加點興到語耳孔明天才思十

反矣

精思

不從糟粕安得精英曰不關學

終非主聲

博習

能剛能柔忽歛忽縱筆豈

能然惟吾所用川 次韻自繫疊韻無味

鬪險貪多偶然遊戲擇韻 西施蓬髮終竟

不臧若非華羽曷別鳳凰振采 戒之戒之

賢智之過老手類唐才人膽大辨微 知一

重非進一重境亦有生金一鑄而定勇改

不學古人法無一可竟似古人何處著我

著我 聖求童蒙而況於我低棋偶然一着

頗可求友 節錄續詩品

欲見何代人但翻何代書

一日不讀書如作負心事

讀書不手記一過無分毫

舉手天地動放手烟雲空朝爲大將材暮

作漁樵翁

韓蘄王

英雄與文人往往託佛老匪自矜清超卽  
是貪壽考

一見動相慕未見早相惡問其所以然有  
緣無緣故

雨來蟬小歇風到柳先知

老牛知讓路小蝶學穿花

無情何必生斯世有好都能累此身

萬重白骨堆青史  
六代黃金散暮煙  
螻蟻尙存封建法  
圍棋時見井田心  
地當六代悲歌易  
胸有千秋下筆難  
學書未就求人苦  
佳句雙存割愛難  
折柳自澆臨去酒  
攀花難問再來期  
不先詣客來還答  
最愛看書過亦忘  
聰明得福人間少  
僥倖成名史上多  
傳名早死皆高壽  
肯樂貧家卽富翁  
物須見少方爲貴  
詩到能遲轉是才  
天上送行千里月  
客中娛老一船書

所到總能增閱歷無求何處不神仙

辦事人多解事少愛民心易治民難

千金儘買羣花笑一病才微結髮情

病中贈內

芸香此日三千卷麥飯他年百六天不覺

一齊到心上祝兒長大望兒賢

香亭生兒云將嗣我

喜賦

嫁衣日為他人作金穴誰知住者貧倘念

丁單門戶薄夕陽紅處好抽身

別香亭

一坏尚起膏肓疾九死難醫嫉妒心

扁鵲墓

觴詠偶畱修禊帖安危能上會稽箋

王右軍祠

高談澤潞兵三萬論定揚州月二分

杜牧墓

宦途少繫神先定天性多情句自工

白太傅集

世上本無常照月天邊還有再來春

尹宮保移

督廣州

韋平兩世黃扉業伊呂三朝白髮身

尹公七十

當時澤只三江占此日恩同四海分

尹公入閣

我輩尙將儒者待朝廷久當重臣看

聞樹齋侍

郎領威遠大將軍印奉寄

從來効力沙場日卽是承權膝下時

同上

八州作督仍爲子五鼎娛親更及賓

廉村中丞

招陪侍封公滌齋先生夜宴

百戰餘生依膝下五湖歸計趁春潮

贈吳將軍

一品集成傳海內五湖花好稱吟身朝無

燕許傷前輩家有韋平慶後人

輓錢太傅

家焚諫草終存史身是傳人更有詩

贈錢嶼沙

半夜天星摧上將一軍風鶴起深愁斯時

代作孤臣想可有生還兩字不

贈王蘭泉

手書露布三邊讀甲洗銀河萬馬知

同上

應劉才調生同世稽昌交情隔暮雲

寄蔣若生

姓名敢作千秋想得失先安一寸心

謝若生校

定拙集

汲鄭果然能禮士臯夔原本是詩人

答孫補山

有意欲填將陷路未知能作幾時花

詠雪

望去空堂疑有路照來如我竟無人

詠鏡

一夜送人何處去百年分半此中居

詠牀

垂雲深護鴛鴦穩越境難防蝴蝶飛

詠帳

解用何嘗非俊物不談未必定清流

詠錢

傳家事業從今始識字聰明上口知

阿遲上學

夔龍簫管巢由唱請自分途慶太平

全家雞犬分明在世上遙看但綠雲

人求終比求人好平著心看卽是禪  
老夫心與遊人異不羨神仙羨少年

舒瞻

字雲亭滿洲人乾隆四年進士官知縣

雲亭親文衛霍屏居委巷如寒素旣出仕而浙東  
西頌其廉明傳其風雅古所云文學飭吏治者也  
詩品在元白之間近情處迴不易及

歸愚  
文鈔

雲亭少日以性愛登臨同謝傳志存溫飽愧王曾

句得名

雨村  
詩話

摘句 關河萬里夢雲樹一江詩

晚雲籠水暗，明月上船多。

碧雲紅樹皆秋色，疎柳寒蟬共夕陽。

風料峭時偏抱病，月團圓夜却離家。

入手轉添心悵望，開緘先覓字平安。

得家書

世間難得爲知己，天下傷心是別離。

馮成修

字達天，號潛齋，廣東南海人。乾隆四年進士官禮

部郎中。

成修七齡喪母，依世父以養。每語及其父遠出事，輒涕泗交頤，益奮學。己未成進士，選庶常，散館，改

吏部主事庚午晉禮部郎中己卯

命督學貴州揭條約十四則以訓士成修得官後兩次乞  
假尋親卒無所遇以故一生隱痛年六十一假歸  
不復出掌教粵秀越華書院受業數百人年八十  
計其父已百有一齡乃持服三年乙卯重宴鹿鳴  
卒壽九十有五著有養正要規諸書

廣東通志

摘句 雅過歐公舫安於邵子窩

題耿湘門  
紫舫齋

雞籌報曉漏聲寒

九重垂念儒臣

老送沈歸愚宗伯還里分得老字

國朝詩人徵略卷三十

國朝詩人徵略卷三十一

番禺張維屏子樹輯

裘曰修

字叔度號諾皋江西新建人乾隆四年進士官至工部尚書加太子少傅諡文達

公貌清整眉有濃翠顧盼間精神淵映居恆喜賓客遇事神解超捷每詣一曹受一職手文書嘿然數日後判決如流二十一年

天師征伊里公面奏軍務機宜

天子大悅卽賜

御衣冠乘傳至巴里坤傳宣

聖意會逆酋莽阿里克遣弟某詭稱押送諸番探信卡倫  
公與哈密總兵祖雲龍縛畀總督發其姦哈密兵  
少有赴巴里坤種地者七百人公請暫畱爲衛撥  
沙洲五衛麥石添備支發

上皆獎許公聰強機警雖侍

內廷領六部而英蕩欵關足迹常半天下五主鄉試  
一至湖北兩至江南浙江八勘水利三至河南兩  
至江南四至直隸公所讞決無苛嚴亦無縱捨衡  
文得士心尤善治水所治黃淮淝濟伊洛沁汜等

共九十三河疏排濬淪貫穿原委俱有成效可爲  
後法公以文學受知始終與書局相終始最後爲  
四庫全書館總裁

上以書法近宋臣張卽之以內府張書華嚴經殘本

命公足成之

小倉山  
房文集

公神閒氣靜明敏自然事無大小談笑應之每遇  
朝廷大議論衆說紛紜而談笑微中分肌劈理如奏  
刀砮然如土委地人人各適其意以去總督高君  
書麟謂天仙化人不可湊泊者也公沒後相傳爲  
燕子磯水神後有家人過之拜祝祠下云若果在

國朝詩人傳卷三十一  
茲願乞順風頃之東風果作挂帆而去故顧晴沙

詩曰爐香燭影曉猶紅稽首陳情語未終試看靈

旂微颺處春江已借一帆風

湖海詩傳

摘句

人世蒼茫悲代謝古今詞賦幾傳留

秋屏閣

壁壘久忘當日險功名仰愧昔人難

仙霞嶺

李文襄扼耿賊於此

論文不棄鼓刀者相士每於彈鋏中

竹涼似有蕭蕭雨荷靜微生嫋嫋風

李湖

字文川江西南昌人乾隆四年進士官至廣東巡

撫贈尙書銜諡恭毅有李恭毅公遺稿

乾隆四十五年調廣東巡撫廣東素多盜番禺之沙灣菱塘近大洋絲巨百數十里尤稱盜藪假風便捕魚出洋肆劫或散布內地行劫湖蒞任會同督臣巴延三籌訪各盜姓名居址出入途徑偵各盜首以七月望前歸家設祀密飭文武官豫分布兵役旬日間擒誅盜首二百餘人疏至

上嘉之四十六年條奏安輯章程一沙灣南岍市橋村新造墟向設巡檢各一分司緝捕南村駐縣丞一秩微不足彈壓請移同知一員駐菱塘沙灣適中之

坑頭村兩巡檢可隨時調遣遇盜警會石碁營弁緝堵一沙菱涌口甚多石碁村逼臨師子洋爲舟行總匯請立專營以扼其要一石碁水師汛房並列村內移涌口旁易於盤詰水陸各汛酌添弁兵一石碁營在陸路汛地俱屬水鄉宜設櫓船快槳船各一官涌口市頭村石壁汛各設快槳船一市橋汛設四櫓船一令千把總帶兵巡緝一菱塘涌口無船汛與內河巡船不相連接應合左翼鎮派樓船一配兵巡徼一移駐汛兵挈眷遷徙每兵酌給房二間一各村民船令沙菱巡檢編號給印照

刊船戶姓名俾一望瞭然凡大船樑七尺以上者  
限用四槳小船六尺以下用兩槳禁民間私造洋  
船一新設移駐各員必久任專其責成請在外揀  
調照海疆例五年俸滿保陞遇有盜案文職以巡  
檢爲專管廳員爲兼轄武職以千把外委爲專管  
守備爲兼轄將領爲統轄如失察沙菱民人偷越  
各屬行劫照失察奸民出口例參處一石碁村有  
鼠山又有土堆形同田鼠鼠性善竊故多盜請剷  
毀鑄鐵貓鎮壓以順輿情下部議行

李恭毅公傳  
見恭毅遺稿

同年李又川巡撫廣東以清嚴爲政輿人歌云廣

東真樂土來了李巡撫

聖眷甚隆而積勞成疾薨時香亭往送入殮見公面目手

足作黃金色光耀照人亦一奇也巡撫貴州入境

口號云雙旌遙指貴陽城紫蓋紅旗夾道迎自愧

書生當重任不知何以報昇平

隨園詩話

先是番禺菱塘沙灣爲盜藪每劫宦商不敢過問

又川到任卽會同制軍出兵擒捕一百八十人請

王命斬之海盜肅然公外嚴而內和任通永道時有

自題一聯云人苦不自知願諸君勤攻吾短弊去

其太甚與爾輩率由舊章

兩村詩話

吾粵百餘年來論大吏之賢首推李恭毅公村中  
耆老閭中婦孺皆能道公之賢誠以公實心實力  
爲民除害故入於民者不覺其深且久也粵東盜  
賊之患較他省爲甚或於水上行劫或於民居放  
火或擄人而索贖或恃衆而脅從又有一種匪類  
俗名爛崽呼羣結黨擾害閭里欺侮善良非重法  
懲之無所忌憚亦終爲盜賊而已恭毅公之治盜  
也不獨嚴明而且神速沙菱一案旬日之間誅盜  
百數十人自是數十年粵東內地盜賊不敢肆行  
無忌皆公重法明威有以震懾之也公詩云由來

盜息自民安息盜終須仗長官如公可謂坐言起  
行者矣書曰辟以止辟是言也公能以之

聽松廬  
文鈔

摘句 壯懷孤劍在作客一身多

衆壑束雙峽三江爭一門

曼陀香雨三千界絃管春風十萬家

天竺  
寺

蘭膏解結同心藥珠樹曾棲並命禽

數聲蘆雁三更月千里霜蓬獨夜身

悼亡

明時勇退輸高枕薄宦粗成好著書

梁善長

字崇一廣東順德人乾隆四年進士官建寧府同

知有鑑塘詩鈔

授陝西白水令減耗羨革陋規歲荒悉心籌賑攝  
蒲城多惠政蒲城人語曰一文不取清白如水經

綸滿胸多謝梁公所纂有廣東詩粹

廣東通志

摘句

隔雲仍有色向日更添輝

西樵瀑布

申甫

字及甫號笏山江南江都人乾隆六年舉人官副  
都御史有笏山詩鈔

大學士無錫嵇公所薦詩章秀拔律調尤妍

詞科掌錄

君直軍機處三十餘年中更戡金川討準夷平回

國朝詩人傳卷三十一  
部軍書劬午日不暇給君戴星而入比暮而歸爲

聖主所深知宰臣所倚任然君最以詩鳴常以重陽日同

查禮諸君集陶然亭君詩先成四座稱歎

春融堂集

摘句 及親三釜養樂與萬鍾匹

明月白千里梅花香一樓

青山近郭尋詩路紅袖當罍賣酒家

霜葉老畱前代樹風簷閒憶十年燈

明遠樓

重來我只常資進晚達君猶本分官

兩公視我如兄弟三世論交到子孫

草堂貲要隨時蓄垂老依人畢竟難

金姓

一字雨叔號海住浙江仁和人乾隆七年

賜進士第一人官禮部侍郎有靜廉齋詩集

雨叔孝感令長孺弟也穿穴諸經時有創解詩宗

韓杜駢體得南宋二李之遺

詞科餘話

公少偕兄虞砥礪問學尤淹貫史事及第授修撰  
典甲子廣東鄉試散館復第一丁丑在

上書房行走公言養正之地殫竭微忱用資啓導不

易膺斯任也先後侍書十七年自孝友大端至言

動威儀之節罔弗盡言累遷內閣學士晉禮部侍

郎告歸主講敷文書院年八十一卒入祀鄉賢公  
在都時捐金贖資創仁錢會館部署周備至今鄉  
士棲止如歸

公次女幼時一日於中庭忽大驚怖家人問之云  
見一藍面人從天而下以魁星像示之云所見正  
同是年壬戌科公得會狀然獨次女見之未喻其  
故後女適汪康古庚子科公外孫汪如洋亦得會  
狀乃悟魁星示象而次女獨見者蓋狀元之女而  
又狀元之母也公聞外孫大魁寄二女詩有云當  
年會狀憐嬌女今見教成會狀兒亦科名中一段

佳話也

聽松廬詩話

標題

鎮海樓

五古

鞋拔子

自來詠物所無再作一首五古

摘句

蒙養定終身姑息一生了

精神貴寶畜財賄宜疏通百物皆取給專

和怨所叢

賦形良混沌飾采誰雕琢

珂貝介蟲殼有細點千萬

高情戀風露小劫墮熬煎

蔗蟬一名蔗蟲出閩中

草香花氣欲成瘴山靄水煙同結雲

蘭畹敢期佳夢獻荔支或取側生宜

望孫

同巷編名如保甲比肩事主卽臣鄰

詠號舍

蠶老自應勤縛繭，積成纔足穩藏珠。

治木戲成

只此得如兄弟否，清宵風雨對牀眠。

病中示內

麥飯紙錢親料檢，者回不愧過清明。

### 竇光鼐

字元調，號東臯，山東諸城人。乾隆七年進士官左

都御史，有東臯詩集。

公幼負絕人之資，家貧貸書於人，覽卽成誦。一日

讀文選，卽操筆爲琅邪臺賦。時年甫十二耳。

小峴文集

御試翰詹等官閱卷者，列公四等。

上知公特遷，公爲中允，蓋公被

上知遇自此始

同上

乾隆六十年充會試正總裁以所錄首卷多語疵  
被勘議落職降四品銜子休

同上

公生平不講學而嚴析義利要之以毋自欺立朝  
五十年柴立無所顧慕人多忌之惟以誠悃荷

聖主知屢起屢仆卒蒙保全

同上

嘗言學貴有用如昌黎折王庭湊陽明平宸濠乃

真學問

同上

摘句 猿鳥各成性松篁俱好音

密林交石氣空峽轉江聲

地連五嶺分鵬背水帶三江下虎門

越秀山

王太岳

字基平號芥子直隸定興人乾隆七年進士官雲南布政使有青虛山房集

公以弱冠入詞林海內交推其文學而公獨志於經世之務在西安元畱心水利著涇渠志 在雲南憫銅政之弊於是旁搜博訊指利害所由來以求補救之術大略謂舊時滇銅聽人取攜自康熙四十四年始註兩官爲經理歲有常課至雍正初始開鼓鑄運京司以疏銷積銅茲硲路已深近山林

木已盡夫工炭價皆數倍於前而又益以課長之  
倍尅地保之科派官役之往來供億廠民受價六  
兩四錢之外尙須貼費一兩八九錢而後足採辦  
之難此其一也 滇銅自乾隆四五年以來歲產  
六七百萬觔乾隆三十八年三十九年以一千二  
百數十萬告此滇銅極盛之時至今日而京師之  
運額既不可缺而江南江西以外尙有浙閩黔粵  
秦楚諸路開鑄求之益衆賣之益急雲南之銅何  
時足乎採辦之難此其二也 銅民皆無業之人  
領本到手往往私費亦有開銅無成虛費工本懸

項累累名曰廠欠自頃定議每歲終責取無欠結  
狀然工本不足廠民不能徒手枵腹而致採則爲  
之量借油米爐炭以資工作而其欠借不歸之油  
米爐炭亦不下巨萬之值大廠之逋累積重莫蘇  
採辦之難此其三也 小廠收買渙散莫紀合計  
數十小廠之銅比二三大廠不能半則大廠安得  
不困採辦之難此其四也 若夫轉運之難牛可  
載八十劬馬力倍之一千餘萬之銅非十萬匹頭  
不辦今司運之官既皆增價僱募然不免以人易  
畜里民每簣數日之糧以應一日之役喜事之吏

驅率老幼橫施鞭打瘁民生而虧政體非小故也  
嘗竊求前人之論議其有已效於昔而可試行  
於今者曰多籌息錢以益銅價也通計有無以限  
買銅也稍寬考成以舒厥困也實給工本以廣開  
採也預借僱值以集牛馬也 銅政之要必寬給  
價給價足而後厥衆集厥衆集而後開採廣廣採  
則銅多銅多則用裕有銅本斯有銅息有鑄錢斯  
有鑄息以厥民之銅鑄錢卽以鑄錢之息與厥費  
不他籌澤不泛及而此數十厥百千萬衆皆有以  
蘇困窮而謀飽暖積其懽呼翔踴之氣銅卽不增

亦斷無減 雲南山高脈厚到處出產礦砂但能  
經理得宜非惟裨益銅務而數千萬謀食窮民亦  
得藉以資生由此觀之小廠非無利也誠使加以  
人力穿峽成堂則初闢之礦入不必深而工不必  
費又地僻人少林木蔚萃炭亦易得較大廠攻採  
之費有事半功倍者誠於廠之近邑招徠土著  
之民聯以什伍之籍又擇其愿樸持重者爲之長  
於是假之以底本益之以油米薪炭則渙散之衆  
皆有所繫屬然後示以約束董以課程作其方振  
之氣厚其己集之力使皆穿石破峽以求進山之

礦雖有不成者寡矣 銅運之在滇境者後先踵  
接依次抵瀘而瀘州旋收旋兌略不停息則終無  
儲備之日惟寬以半歲之期會然後瀘州有三四  
百萬之儲儲之既多則兌者方去而運者既來是  
常有餘貯也如是而凡運官之至者皆可以時兌  
發次第啓行在瀘既無坐守之勞在途亦有催督

之令運何爲而遲哉

春融  
堂集

摘句 盡取不知節力足疲乾坤

銅山

取人以言貌孔聖猶失之

富貴固倘來遭逢會其時下士罕知命謂

云術取攜

山連二華橫秦塞水控三川下豫州

潼關

鄭虎文

字炳也號誠齋浙江秀水人乾隆七年進士官贊善有吞松閣集

君少孤竭力奉母母病禱於神請減算畀母事兄如父迎寡姊歸老於家撫諸姪諸甥五十年親戚故人待以養葬者無虛歲就食於其家者無虛日囊篋每空家人以告君笑曰姑強支持寒餓當共之吾寧苦身無以病吾心也性無苟取歲時餽遺

非其人雖親舊不受

王芥子文集

君一主河南鄉試三充順天鄉試同考官再充禮部會試同考官提督湖南廣東學政家居主徽之紫陽書院十年主杭之紫陽崇文兩書院五年上同摘句 憶昨夢慈母語酸聲不揚不願兒富貴願

兒常在旁

天水相與際蒼然入虛空積氣舉其外萬

象生其中

渡海

甘於諫果三分澁苦到蓮心一味清

讀慎齋詩

有人望遠千行淚比我思渠十倍愁

三朝臣妾明忠順百粵屏藩漢寶融

洗夫

山暗霧疑文豹隱海腥風挾毒龍行

西方秋老人初去南國春濃物有知

紅豆